



ЧАННАЦУЖУ

«ЗВЕЗДА»

1 январь 2017ш

алхат

№1

Багъа 2 кьуруш

Газета буклаккиссар
1951-ку шинал
ноябрьдания шинмай

Учредитель: Ккуллал районналул администрация
Кулинская районная администрация



Барча хьунна в Цусса шин!

*Хурмат бусса районналул жямат!
Кьамул дувара дакӀнихтунусса барча баву Цусса
2017-ку шинацал!*

*Ялун бучӀантӀимур ххуйхьуншиврийнесса умуд-
рацал, гьунттийсса кьинилийн вихшала дуну жува
тӀайла дуклай буру 2016-ку шин. Жуяра нанисса шин
гьарцаннан цакуцсса кьархьунни. Ва шин дакӀнийн рут-
лай, жуцава учин бюхъанссар, ларгсса шинал лайкьну
оьрму бувтуссар. Бюхъай жуцара ци дунугу цаллуну
дуван, кьуртал дуван кьабювхьуну бикӀан, амма жунма
мура шинал лавхьхьунни бигьа бакъасса чӀявусса
масъалартту цаллу буллан.*

*Гьарца инсаннан Цусса шин - ва цу лагавуну, цусса
гуж ца чӀун шавуну ва ххуймунисса вихшалану хьанай дур.*

*Жула районналул инсантурал дур диялсса каширду
хьхьичӀуннайшивуртту хьун дуллансса, шикку бур зун
кӀулесса ва зун ччисса инсантал. Жува циняв ца хьуну
ххуйбуллану районналул хӀал-ахӀвал, уттара дуккан
данну кутак, агьалийнал общество дузал дуван. Жула
цашиврул гужрайхчӀин жуцава бюхъантӀиссар
чӀявусса масъалартту барт бигьин.*

*Цусса шин дучӀаврих ялугьлай, му чӀа тӀий бивкӀ-
сса инсантурал дакӀурдивун гьавас бутлай бур
дакӀниймур барт бигьинесса тӀайлабацӀу ва
кьулайшивуртту хьунсса.*

*Махь бакъа, циняв ялугьлай бур ххуйчулиннайсса
дахханашиннарду шаврих. Ттун ччай бур вай циняв
умудру барт лагаву. Мийгу барт лагантӀиссар, агарда
жува хьхьичӀава кунма ца хьуну зурча, амьсса масъала
цацӀуну цаллу булларча, архӀал хьхьичӀунмай бачирча.*

*На барча буллау ура Цусса шинацал, чӀа тӀий
ура цинявнан цимурца хьинмур, цӀуллушиву, талихӀ,
давриву, захӀматраву кулпатирттаву ва зула
ширттаву тӀайлабацӀу. Вихшала дуьсар ялун нанисса
шин жунна кьулайсса хьуншиврийн.*

*Цусса шинаву зун ва зул гьанминнан тӀайлабацӀу
хьуннав! Зул ужсагьрай дуллугьшиву чан кьахьуннав ва
личӀаннав кьулайшинна, ччаву ва рязӀишинна! Зун талихӀ
ва цӀуллу-сагьшиву, хьиншиву ва хьхьичӀуннайшивуртту.*

*Хурматрацал Ккуллал муниципальный
районналул бакӀчи С.ХӀ. Сулайманов*

Мюрщиминнал бяст-ччал

Махьсса шиннардий хьуннасса аякьа дуллау дур хлукумат школалийн занан бувасса оьрчӀаха ва дуклакки оьрчӀаха. Цинявнан ххал хьхьунссар телевизор-давух передача «Лучше всех»-микку мюрщисса 3-5 шинавусса мюрщултрал буллалисса гьунардах, ва му-

кунсса школалийн заназисса 6-13 шинайн бяниннесса школалийн заназисса оьрчӀал ва душварал циняв малатгал бунни. Ми гьарцагу гьунарду, миннал итххя ххаву хӀасул хьанакхиссар дарсирайн занан бувасса идарардай ясли-садикрай. (Ахир 2-мур лаж.)

Районналул депутатурал Собраниялул сессиялий



Декабрьданул 27-ний Ваччав бавтӀунни районналул депутатурал Собраниялул ирглийсса сессия. Шикку гьуртту хьун бувкӀун бия депутатурал бакъассагу идарардал, организациярдал каялувчитал, кӀанттул администрациярдал бакӀчитал, зунтгал районнал округрал бакӀчи М.С. Камитов, мунал заместитель А.И. Салихов, РД-лул Халкьуннал Собраниялул депутат Аь. Б. Расулов, муниципальный районналул бакӀчи С.ХӀ. Сулайманов ва мунал заместительтал.

Сессиялул заседание тӀиртӀуна районналул Собраниялул председатель Гь.Оьмаровлул ва кӀул бувна шикку ххал бигьин лавусса кьинилул масъалартта шал:

2016-ку шинал районналул администрациялул дурсса даврил жамурдиясса отчет - докладчи муниципальный районналул бакӀчи С.ХӀ. Сулайманов:

Ккуллал муниципальный районналул бакӀчинал 2017-ку шиналсса инвестициялул рисала - докладчи муниципальный районналул бакӀчи С.ХӀ. Сулайманов.

2016-ку шинал рай-

онналул администрациялул отделлал, идарардал, организациярдал хьхьичӀ бавцӀусса масъалартту биттур баврия отчет дуллау муниципальный районналул бакӀчи С.ХӀ. Сулайманов гьартану авцӀуна гьарцагу идаралул, организациялул, хозяйствардал, дурсса ххуйчулиннайсса давурттай ва хьуна дакьлакьисса диял дакьашивурттай.

Хаснува кӀицӀ лавгуна районналий сакиншиннарай дайдирихун диркӀшиву «Зунттал шин». Мунил дайдирихун дурну диркӀшиву Хьювхьиял шяраву, хьинну ххуйну

ремонт бувну, цӀубуккан бувсса шяраваллил культурно-досуговой центр-даний.

ЦӀубуккан бувну шаллу бавай бушиву Ккулувсса жагьилтурал центр. Дуллау бушиву районналул культуралуцӀун, багьу-бизулуцӀун дархӀусса цаймигу давуртту.

Районналийсса хозяйствардал давурттая бушлау кӀицӀ лавгуна, районналий ЧӀяв, Ккулув дурну шаллу шавай душиву оьллал фермарду, районналий зий бушиву 302 цанмалусса иш бажаранчитал, ялун личин бушиву чувкӀуй ккаланний бакъанма зузисса 218 инсан. ЦӀанасса чӀумал районналул гьарицагу журулул хозяйствардаву ябуллау бушиву 218 азарва яттил хӀайва, кьуазарвахьул лахӀи ризкьки. КӀицӀ лавгуна лачинсса тагьар душиврий дугьбайсса

(Ахир 2-мур лаж.)

ХӀ. Гуйдалаев

Цусса шинаха

(Тай 80 – ку шиннардий Ваччавсса банкрот хьунаману зий ивкӀсса, Вихьлиятуса ХӀамзат Гуйдалаев кьакӀулсса, райондалул оьрмулул бугьгараминнаву нажагьсса акъахьунссар. Аьпа биву хьинну кьирятрал увчусса,

мукьул усттарсса, хавар бусангу чичингу бюхьу бусса икӀайва.

Гай шиннардий ванал чивчуну диркӀсса «Цусса шинаха» тӀисса дуаь хӀакьинусса кьинилунгу агьамсса дур. Яларай ришлай буру ва дуаь

Ялун нани цӀусса шин -
Хьуннав вия хьатӀал шин!
Дяввилул чӀугу архьсса,
Дакъаврил ттугь бюхттулсса.

(Дуаь)

Зуруй шьякӀарчагу,
Шинай шугьтурду шцацӀай,
Шаний чул бишурчагу –

Цанная кӀива шайсса,
КӀинничалт ххину байсса,
Лявкьумур вилашиврий -
ЦӀуллуну ядувайсса.

Гьухьаллай кьутаннайсса,
Ппалул чурчив лахьисса,
Ттардан хьирив нанисса,
ЧӀиру цаннин кӀивасса.

Къашайссар ганал тӀювай,
Э-оь - чин ажаригу,
Кьурувсса хьунил марслуй,
ЧӀали ялусса сунгу.

Нинуну иминшиврий,
ОьрчӀруну буруччайсса,
Баргь гьарагьти даркьусса,
Лухччай уртту гьалххасса.

Ватан кутак ларайсса,
ЗяхӀматрал кьимат гьазсса,
Бару дяввилул цӀакьсса,
Гьану дакъаврил хӀакьсса.

БакӀрал пикри узданмур,
Ччаву ватандалухьсса,
Байсса захӀмат дакӀ марцӀмур,
Муври вирттаван лайкьсса.

Кьурув чӀаллу бувцӀусса,
Кьюмай тӀутӀи бювхьусса,
Оьллал бярчру тазасса,
Кьаллаву накӀ гьарзасса.

Хьуннав шачӀан цӀусса шин,
Вин тӀанкӀ учин бюхттулнин,
Лакьнияту рутӀлан шчин,
Дяввилул цӀарах ччинайн.

Бачи цӀусса шинаву!
КьютӀисса гужру аьч банну!
Лавайсса захӀматрайну,
Душмантал ххинил хьунну!

Зума цӀив дуаь дуллау,

Районналул депутатътурал Собраниялул сессиялий

(Дайдизьу 1-мур лаж) хьуру ишла давриву. Дусса 2800 гектарданува чларымий хьуру къадургьу ну лирчисса хъанай дур, хаснува Бабаюртливсса аьрщарайсса хьуру.

Агъалий аьркинсса продуктирдал шаллу шаву мурадрай буллай бивкунни ярмуркларду, бунувасса ттучаннацлун буллай бур автозапчастьру даххайсса ттучан ЧIяв, бытовой химия даххайсса Ваччав, косметикалул, парфюмериялул фабрика-Къянив.

Мукуна авцлуна районналул агъалий гьарза-чан хъанахъаврил масъалар ттай, ми давурттал шаллу баврий, хаснува муша къатми давурттал шаллу баврий. Хъун дурсса хъхи чIуннайшивуртту ва хъуна дакълакьисса диялдакъа шивуртту кIицI лавгуна цIуллу-сагъшиву дуру ччаврил, культуралул, образованиялул, жагьилтурал центрданул дуллалисса давурттавусса.

Докладрайн бунву ихтилатру буллалисса

райадминистрациялул виваллил политикалул отделланул хъунма **Ш.А. Хизриевлул**, Хъусрациял шяраваллил администрациялул бакIчи **Э.А.ХIа-жиевлул**, Ваччиял шяраваллил администрациялул бакIчи **А.МахIаммадовлул**, образованиялул управлениялул хъунмур **А.ХI.ХIаммакIуевал**, районналул жяматийсса палаталул председатель **Р.М. Мамаевлул**, Ккуллал - 2-мур СОШ-рал директор **Аб. М. Мурачуевлул** цала ихтилатирттаву кIицI лавгуна цала давриву хъун дуллалисса ккаккяртту ва хъуна дакъалакъисса диялдакъашивуртту.

Докладрайн ва док ладрайн бунву бувсса ихта латирттайн бунву ихтилат буллалисса зунттал районнал округрал бакIчи **М.С. Камиллову** авцлуна зунттал районну электроэнергиялул, ххуллурдал, щинал шаллу баврил агъалий масъаларттай.

2017-ку шинал-нинсса муниципальный

районналул бакIчинал инвестициялул ялувсса рисалалуя доклад буллай **муниципальный районналул бакIчи С.ХI. Сулаймановлул** кIицI лавгуна районналийн инвестортал клунклу буваву ва жула районналул стратегиялул масъала бушиву. Инвестициярду районналийн клунклу дуваврину гьарза хъунтIишиву районналийсса инсантурансса зузи кланттурду. Му мурадрай районналий бунву бур ва чIунчIумуй цIубуккан буллай бур инвестициялул паспорт. Кланттул администрациярду зун аьркинссар инвестициярду иширайну клунклу давриха.

Мукуна С.ХI. Сулаймановлул шикку кIицI лавгуна районналул ва чулухун найсса хъунмасса кумаг буллай бушиву **АбФ-лул ПаччахIлугьрал** Думалул депутат **Аб В. МахIрамов** ва РД-лул Халкъуннал Собраниялул депутат **Аб.Б.Расулов**.

Ва масъала ххал бивгьуну махъ ихтилат буллалисса РД-лул Халкъуннал

Собраниялул депутат **Аб.Б. Расуловлул** барчаллагъ увкуна цайнна вихшала дурну депутатну увчIав рихлу. Гьарца районналуцлун бавхIусса масъала буттур бавривугу цува мудан чIарав ацIлантIиши ву. Гьарнаща бюхъантIиши

ву цала мурад шаллу бав риву сайтравухчIин цIу ххаву дурну, кумаг тIалав бан. Уттинингу цала бакIрай лавсумур 90 процентрал биттур бувшиву ва миннува 70 процент депутатну увчIиннинма биттур бунву бушиву.

Садикраву утренникрай



Мюрщултрансса ххаришиву

Шиннугу ларгун, арсругу, душругу хъуни хъувкун, цила оь ва гьухъу хъхъивцIуну оьрчIан буллукун чIири личIай нину. Мукунсса нину кунма чIиви лиавчIун бур жул Къяннал школагу. Ванил итабавкъуну бур 88 выпуск 2000 бивсса оьрчIру, душ

дуллалисса учительнал, мунияту гъашину Къяннал школолул учительтурал цIусса шинайн хIадур хъуну бия цивппа-цивппалу цала-цала классиртташал. Вайннал дурну дия цанна-цаннасса программарду: шикку хъярч-махсарарду, балайрду, къавтIавуртту, бяст-ччаллу бия ляличIинну тIааьнсса. ЦIушинал байран дайдирихъуна Къурванхъал Анисат Юсуплул душнил, ванил цинявппа барча бунна цIусса шинашал, чIа увкуна гьарнан цIуллушиву, тIайлабацIу, талихI-тирхханну.

ЦIана вай гьантрай школалий хъунни байби хъулул классирттал нюжмар. Ва шаллусса нюжмардий байбихъулул классирттал учительтал; Мусахъал Русина Сиражуттинул душ, Маммахъал Лаура ХIасан чалавил душ, Сапижат Муртазааьлил душ, ва Исупхъал Жавгьарат Аьвдурашидлул душ хIарачатрай бия, цивппагу дакIнихтуну бигъа лавгун, оьрчIругу бигъалаган, бялахъан бан.

Цинявппа байрандалийн бивкIми цIусса шинашал барча бунуна школолул директор **Имранов Ш.К.**

Ва нюжмардий вайннал оьрчIащал бунунни личIи-личIисса тIуркIурду, бяст-ччаллу, брейрингугу, цалнияр цал ягин хъанай гьалак хъанай бия вайннал тIуркIурду, бяст-ччаллу.

ЛичIи-личIисса маскардащал оьрчIругу бия бавтIми ххари буллай: балай тIий, къавтIий, хъярч махсарардай.

Шикку хъунни бяст-ччаллу тIуркIурду: оьрус мазрал, математикалул, лагма ялттусса тIабиаьтрал, ниттил мазрал. Гьарца учительница цила нани дурсса давриву артист кунма рольданувун бухлай бия: шавкъирай, лахъсса даражалый ларгуна шалагу байбихъулул классирттал нюжмар.

Бувккуна дякъил тта-тта ва марххала душ ххари хъуна циняв, байран яла ххуймур чIумуву дия, дакIурдиву ххаришиву дия куклушиву дия. Ва ххаришиврул лавсуну циняв шаппай лавгуна. Ххарину битаннав цIушинаву цинявгу.

Дуллалисса даву цикссагу ххуйну, уттинин дуллалимуниха къалархъхъуну, ляличIину шаву мурад бур гьарцагу даву

Нану цIушинал байран Барачатшиву ларсун ТалихIрал къапурдугу Жула гьарнан тIивтIуну.

Нуну цIуллушиврущал Дуниял чанна дуллай Кьини лядуклаккаву Хъунмунин хъуннав куну.

Барча вил ххаришиву ДакIниву лахъи гьаннав Гьарца чувнал умудру Барт лагайсса шин хъуннав **Р.МахIаммадов**

Мюрщиминнал бяст-ччал

(Дайдихъу 1-мур лаж.) ясли-садикрай.

Ккуллал районналий сса ясли-садирттайгу вай махъсса шиннардий, диял сса дахханашивуртту хъунни хъинчулиннайсса, хаснува итталун дагъансса хъанай дур школалийн занан бувасса идарардайсса дахханашивуртту. Мюрщулт гьарца шяравусса аякъалулун лавсун, миннан бялахълансса шартIру, ми оьрус мазралгу итххяххан гьарица чулуха гьунар бусса хъун хIарачатрай бур. Цимилагу дунни жура-журасса темардайн сса конкурсеру ясли-садир дайсса оьрчIал дянив.

Вана уттигьанну ЧIяй-ннал шяравусса ясли-садрайн бавтIун бия районналийсса цинявппагу ясли-садирдая мюрщулт ва миннал тарбиячитал.

Ва ххуллухъ мюрщултрал дянив баян бунву бия конкурс; «Театрализованное представление»-миннаву артистшиврул гьунарду ялун личин буллайсса.

Хъинну ххуйну хIадур хъуну бия цинявппа ясли-садру. Цила буллалисса номердаву мюрщулт улу шагьрулийминнаяр махъун къабагъанссия. Мюрщултрал бхълахъисса сценкардаву чIалай бия миннал



хъунаманахагу хIурмаг бан кIулшиву, хъунисса хъувкун язи бугъансса пипардугу лаласлай бушивугу.

Конкурсрал жямру дурну жюрилул укунсса клантту бавчIуну:

1-клану - Ккуллал ясли-садран,

2-клану - ЧIяйннал

ясли-садран,

3-мур клану Ваччиял ясли-садран буллауна.

Улу клантту бавчIунугу, цинявппагу ясли-садрал мюрщулт ларайсса даражалый гьуртту хъуна, барчаллагъ ми тарбия буллалисса воспитательтуран.

А.Аьбдуллаев

ЧАННАЦІУКУ -2017



	Январь	Февраль	Март	Апрель	Май	Июнь
Ит	2 9 16 23 30	6 13 20 27	6 13 20 27	3 10 17 24	1 8 15 22 29	5 12 19 20
Тт	3 10 17 24 31	7 14 21 28	7 14 21 28	4 11 18 25	2 9 19 23 30	6 13 20 27
Ар	4 11 18 25	1 8 15 22	1 8 15 22 29	5 12 19 26	3 10 17 24 31	7 14 21 28
Хх	5 12 19 26	2 9 16 23	2 9 16 23 30	6 13 20 27	4 11 18 25	1 8 15 22 29
Ню	6 13 20 27	3 10 17 24	3 10 17 24 31	7 14 21 28	5 12 19 26	2 9 16 23 30
Хх	7 14 21 24	4 11 18 25	4 11 18 25	1 8 15 22 29	6 13 20 27	3 10 17 24
Ал	1 18 15 22 29	5 12 19 26	5 12 19 26	2 9 16 23 30	7 14 21 28	4 10 18 25
	Июль	Август	Сентябрь	Октябрь	Ноябрь	Декабрь
Ит	3 10 17 24 31	7 14 21 28	4 11 18 25	2 9 16 23 30	6 13 20 27	4 11 18 25
Тт	4 11 18 25	1 8 15 22 29	5 12 19 26	3 10 17 24 31	7 14 21 28	5 12 19 26
Ар	5 12 19 26	2 9 16 23 30	6 13 20 27	4 11 18 25	1 8 15 22 29	6 13 20 27
Хх	6 13 20 27	3 10 17 24 31	7 14 21 28	5 12 19 26	2 9 16 23 30	7 14 21 28
Ню	7 14 21 28	4 11 18 25	1 8 15 29	6 13 20 27	3 10 17 24	1 8 15 22 29
Хх	1 8 15 22 29	5 12 19 26	2 9 16 23 30	7 14 21 28	4 11 18 25	2 9 16 23 30
Ал	2 9 16 23 30	6 13 20 27	3 10 17 24	1 8 15 22 29	5 12 19 26	3 10 17 24 31

Редакциялул адрес 368390, Республика Дагестан Ккуллал район, ш.Ваччи	Газета регистрировать бувсар РФ-лул МТПР-лул Южное межрегиональное управлениялул. Регистрациялул номер ПИ № 10-4202	Хьунама редактор А.И. Кьянчиев	Газета бавтГуссар «ЧаннацІуку» газетрал редакциялул компьютердай, бившуссар ГАУРД «Издательский дом «ДАГЕСТАН». Типографиялул адрес: 367018. МахІачкьала, пр. Насрутдинова б1,	Буккайссар ножмардий цал, Индекс: 51317 тираж 650 экз. Газета итабакьин кьулбас дайсса чІун 17. 00, кьулбас дурсса чІун 16.00
--	--	--------------------------------------	---	---